


元代子部書 四卷

元

代

史料刊  
史叢  
初編

黃山書社



元代子部書 四卷

元

代

史料  
叢刊  
初編

黃山書社

罷法座右邊排列椅卓卓上安疏帖座左亦設住持椅子鳴鼓  
 集眾住持出陞座與五叅禮同令請客侍者請新命跌坐褒美  
 新命為法而出勸請舉揚慰眾渴仰舉話有無不拘松源為掩  
 庵為松源引座皆不奉話石橋為簡下座住持歸座左向外而  
 堂引座息庵為復庵引座皆奉話  
 立專使同知客侍者往新命前問訊畢新命出住持前問訊次  
 與兩序大眾問訊若新命是嗣法弟子住持付法衣有法語披  
 衣了進前請住持跌坐大展三拜不收坐具進詞云早蒙陶鑄  
來請既勤難逃公命又三拜進詞云即時令謹時共惟堂上  
下情無任惶懼之至木師大和尚尊候起居多福  
 又三拜收坐具進前問訊住持答云斯道所寄一絲九鼎去歸  
 座右立專使度疏帖各有法語若非法嗣即出座前與住持問

訊次與兩序大眾問訊徑歸座右拈衣拈疏帖有法語專使先

稟維那請宣疏帖人宣畢指座有法語登座垂語問答提綱叙

謝結座下座到住持前兩展三禮初展詞云切膺請命有玷宗

不勝感住持答云喜慶人天之請榮增佛口再展云即口時

堂頌和尚尊候起居多福觸禮三拜或講或免隨住持意次與兩序大眾問

訊知客侍者引巡察致謝如嗣法者下座先至住持前大展三

拜退與大眾問訊然後巡謝同前如以次頭首西堂臨時又在

住持斟酌講行

專使持為受請人煎點 專使詣新命前議定方丈引座觀資

眾觀宣疏帖人及兩序勤舊江湖鄉人法眷等貼觀至日粥罷

專使懷香詣方丈觸禮拜請云新命和尚伏望慈悲俯垂今晨午刻就雲堂備蔬鉢特爲  
復詣新命前拜請同前禮方丈客頭同專使行者請諸寮各掛  
煎點牌於僧堂內住持對面設新命位堂外知客板頭設專使  
位其茶湯榜張于堂外兩傍至齋時覆新命到僧堂前俟住持  
同入堂問訊專使隨入堂先揖住持歸位次揖新命歸位燒香  
行禮並同前下食行觀茶畢先收新命盞專使進前兩展三禮  
送新命出後門專使入住持前兩展三禮送住持出前門復歸  
堂炷香大展三拜巡堂一匝并外堂歸中間訊收盞鳴鼓三下  
退座當晚湯果藥石光伴同前

山門管待受請人并專使 就寢堂敷設住持主位新命對面

中位左設專使位兩序勤舊光伴左右位下嚮行禮同前受請  
人辭衆陞座茶湯 受請人令侍者同專使預詣方丈稟借法  
座上堂辭衆座不敷設左設住持位鳴鼓集衆住持出歸位受  
請人徑往住持前問訊次與大衆和南陞座舉揚畢下座先辭  
住持觸禮三拜次向法座立辭衆普同觸禮三拜門首向裏中  
設特位講茶湯兩序勤舊光伴上首知事行禮與當代同鳴大  
鐘送以次西堂頭首則無辭衆上堂臨行先同專使上方丈拈  
香觸禮三拜稟辭別山門首茶湯禮同前



古人腰包頂笠到山門首下笠入門炷香有法語就僧堂前解

包屏處濯足取衣披搭入堂炷香聖僧前大展三拜參隨人同拜掛搭已到佛殿拈香有法語大展三拜次土地堂祖堂炷香各有法語入方丈據室有法語次第開堂祝

聖今時新命到來當看安下處近遠近則首座領衆往迎遠則兩序勤舊而已專使預當計稟住持必先發批免衆遠迎若安下處近當辦湯果兩序勤舊先伴擇日入院庫司二排辦隔宿掛接住持牌報衆至時鳴大鐘諸法器大衆門迎由遠至近兩行排立行僕立大衆外新命到門炷香舉法語至佛殿炷香舉法語大展三拜鳴僧堂鐘大衆先歸鉢位立定新命入堂炷香參隨人同展三拜維那當面問訊引巡堂一匝衆隨人先出兩序

送新命歸鉢位觸禮三拜次至土地堂祖堂炷香各有法語入

方丈據室侍者進前炷香問訊側立候舉法語畢行者進卓筆

硯知事具狀後式見備梓袱捧呈寺印新命看封付知事開封新

命視篆訖就狀上先僉押次題日子使印於上知事收狀衣鉢

侍者收印退卓住持起身知事全班進列上首插香兩展三禮

初展詞云磁蒙和尚光輝法筵再展詞云即日時令謹時共惟

候起居多觸禮三拜諸山及頭首勤舊進前插香受香不草賀畢客

頭行者喝云舊就座獻湯勤湯罷請官客諸山點心若前代住

持別遷未赴或退居東堂未據室前講交代禮新命受草賀了

鳴僧堂鐘領眾躬送前代歸寮對觸禮一拜次首座大眾作賀

行僕皆當參拜

呈寺 當寺庫司比丘某甲

印狀 右謹申然新命堂頭大和尚伏候 慈旨 年月日具位狀

山門請新命齋 上首知事候據室後人事稍畢備拌狀燼燭

具狀後見懷香詣方丈請齋兩展三禮初展云午刻就雲堂備

情不勝戰汗之至再展叙寒溫觸禮三拜住持答一拜知事呈

狀方丈客頭收庫司客頭鋪設僧堂內住持位行禮與持為管

待同

齋 當寺庫司比丘某甲 疏餉抵迎伏望 尊慈持垂降重 取午刻就雲堂備

狀 可漏子狀請 斷命云云尊座前 年 月 日具位 某甲狀 謹封

開堂祝壽 古之開堂朝命下或差官敦請或部使者或郡縣遣幣禮請就某寺或本寺官給錢料設齋開堂各官自有請疏及茶湯等榜見諸名公文集近來開堂多是各寺自備至時入院侍者分付行者鋪設法座報衆掛上堂牌具寫官負諸山名目預呈住持於座左設位鋪卓袱爐燭排列疏帖預先和會維那宣公文首座宣山門疏以次頭首或諸山江湖名勝宣其餘疏及預請諸山一人白椎座前對面排官負位侍者覆方丈鳴鼓衆集侍者同專使入請住持出鏡鉞幡花挑燈迎引至法堂位前立如及請時未拈衣當舉法語披衣畢專使進前掃香行禮初展云即日伏蒙和尙光據法至再展叙寒溫畢觸禮三拜住

持荅一拜先呈公文舉法語畢接付維那宣白次山門諸山江湖疏一一述上有法語分送宣讀若見任官請開堂有疏親自捧述有法語宣畢指法座有法語登座拈香祝

聖次拈帝師省院臺憲郡縣文武官僚香侍者逐一度香惟法嗣香住持懷中拈出自挿爐中歛衣趺坐侍者燒香下座問訊兩序出班問訊畢侍者再登座燒香問訊禮與旦望上堂同諸山住持送入院者亦出問訊住持當令侍者請官負坐諸山上首出白推鳴推一下云法筵龍象衆當觀第一義住持垂語問荅提綱叙謝官負諸山云此日開堂場爲祝聖不敢多詞叙陳專使兩序勤奮略提過詳在小叅時叙陳結座白推入復鳴推一下白云諦觀法王法下座先

受官員作賀畢知事接送客位客頭行者即進爐燭一字排列

座前專使挿香兩展三禮畢堂司行者喝云諸山次喝云西堂

展禮喝云知事兩展三禮又喝云首座大勤舊蒙堂前資諸

寮齊挿香同大眾兩展三禮畢莊庫菴塔法眷鄉人暫到展賀

畢據座侍者小師挿香大展三拜次執局行者挿香禮拜次叅

頭領衆行者挿香禮拜次直廳轎番莊甲作頭老郎人僕叅拜

畢住持即往客位致謝官員諸山次第巡寮諸寮當陳香几爐

燭坐位各具威儀於寮外伺住持至寮主先於門前下首立迎

入請趺坐挿香住持答香略叙寒温致謝送出蒙堂前資衆寮

皆列門外下首同迎同送

山門特為新命茶湯 茶湯榜預張僧堂前上下間庫司仍具

請狀式見後備梓紙爐燭詣方丈挿香拜請免則觸禮稟云就退

堂點茶特為伏稟訖呈狀隨令客頭請兩序勤舊大衆光伴掛

點茶然特為住持陳賀古規亦無湯牌報衆僧堂內鋪設住持位近時有齋時開長板鳴知事

巡堂請大衆之札免之為當齋鐘鳴鼓集衆知事揖住持入

堂歸位揖坐燒香一炷住持前揖香後聖僧後轉歸中間訊立

行茶遍瓶出往住持前揖茶退身聖僧後右出炷香展三拜起

引全班至住持前兩展三禮送出復歸堂燒香上下間問訊收

盃退座湯與茶禮同但無送住持出堂湯罷就座藥石

狀當寺庫司比丘 點其 點右其塔取今晨 點麟 點就雲堂

式 可漏了同齋狀式 年 月 日 具 位 狀

當晚小叅 齋罷侍者覆住持云今晚小叅令客頭報衆掛小叅牌

具寫專使兩序勤舊蒙堂前資諸寮莊庫菴塔暫到入院侍者

禪客叅隨或有相送官客諸山留宿者逐一條列預用呈稟昏

鐘鳴侍者覆方丈鳴板後鳴鼓一通衆集兩序歸位立定住持

出登座垂語問答提綱畢叙謝行者秉燭侍者呈目子庶得詳

盡下座客頭行者喝云方丈和尚請諸山和尚兩班西堂勤知舊蒙堂侍者禪客即今就寢堂歇湯知

事送官客歸客位湯果

為建寺檀越陞座 知事須隔宿覆住持次早侍者令客頭掛

上堂牌報衆庫司差人嚴設祠堂供養粥罷持為上堂陳白事

意畢說法下座集衆詣祠堂炷香點茶湯上供維那舉經回向  
管待專使 知事預稟住持議專使宣疏帖人覲資輕重方丈  
備貼覲須令合節至日寢堂釘掛鋪設位次請兩序勤舊先伴  
設特爲位請客侍者躬請其餘人則方丈客頭稟請禮與常特  
爲同

留請兩序 兩序伺管待專使畢約詣方丈咨稟告退住持未  
可遽從侍者令客頭行者備湯具拌袱爐燭住持帶侍者詣庫  
司諸寮勉留客頭先報迎住持入分手坐侍者燒香點湯盡禮  
勸留若職過滿亦須寬耐候住持稍暇再稟辭退  
報謝出入 凡官員擅越諸山相送入院者禮應報謝郡縣官

府亦合參見如居山林遠出令行者傳語庫司首座維那知會  
 出久則知事探伺歸期令堂司掛接和尚牌報眾鳴鐘門迎住  
 持先令傳語免之即往佛殿土地堂燒香首座領眾至方丈問  
 訊眾退留兩序勤舊獻湯而散侍者方丈執局行者挿香禮拜  
 次參頭領眾行者禮拜畢住持須巡察報禮若在城附郭朝莫  
 出入無時不必講行或密回方丈兩序勤舊皆當詣方丈問起  
 居無準和尚住徑山日化緣多出入每闕齋粥時徑歸僧堂伴眾  
 食畢方丈客頭候聖僧侍者鳴下堂推大眾將下地喝云大眾  
方丈和尚住持燒香巡堂一匝出堂又喝云和尚傳語大眾兩序勤  
尚巡堂舊亦當詣方丈問訊

交割砧基什物 入院後須會兩序勤舊茶詳細詢問山門事務砧基契書什物逐一點對交割計算財穀簿書分明關防作幣務在詳審

受兩序勤舊煎點 至日首座知事勤舊詣方丈挿香拜請住持次請侍者小師鋪設住持寢堂中位兩序勤舊位如常坐侍者帶行小師問訊住持畢兩序勤舊末坐至時首座請住持出揖坐行禮若免只燒香進前問訊下颺首座知事勤舊為首三人問訊歸位坐食畢首座起身燒香如免禮則就坐喫茶諸山道舊及辦事法眷小師等請寢堂煎點禮同但煎點人設位高下臨時斟酌